

8000 гектар эрдни-шишя тэргдхмн

Элст балгьсна колхозмудт болн „Буратинск“ совхозд эрдни-шишя тэрлгьнэ тускар, КПСС-н балгьсна комитетин бюро болн кўч-кўлсчирин депутатнрин балгьсна Советин кўцэгч комитет иигдж темдгль: келдж болшго багьар эрдни-шишя тэрдж, тўўг ургьалгьнд оньган эс өгч, удобрень кеджяцхасмн уга. Эрдни-шишя тэрлгьяр шишлнъг звенос бурдэгдсмн уга. Теручрар балгьсна колхозмуд, „Буратинск“ совхоз эрдни-шишя багь ургьц авцхаджэдж.

Олна малиг шимтэ хотар теткхин тўлэ эдл-ахун гардачирт, 1958 джилд эрдни-шишя тэрлгьиг өмнкэсн йилгьан икэр тэрхмн гидж заагдв.

Элст балгьсна колхозмудар болн „Буратинск“ совхозд 1958 джил 8000 гектар эрдни-ши-

шя тэргдхмн, тўунэс 89 процентнь силосд гидж темдгльгд-жэна. Цуг зурагьас „Буратинск“ совхозд—1700 гектар, „Страна Советов“ болн Сталинэ нертэ колхоз болгьнд—1650 гектар, „Победа“ колхозд—1400 гектар, Ленинэ нертэ колхозд—1300 гектар болн Плодопитомническ совхозд—тўрўн джилдэн 300 гектар тэргдхмн.

Эн джилин февраль сарин 5-с авн март сарин 5 кўртл малин шег-бог белдлгьнэ болн тўўг эрдни-шишя тэргдх газрур зўөлгьнэ сар зарлгдв. Эн сарин эргцд 12 минъгьн тонн малин шег-бог эрдни-шишя тэргдджэх газрур зўөгддж, эрдни-шишя ургьц өөд-лўлх зўөвтэ.

Эрдни-шишя тэрлгьнэ белд-врин кўдлмш эклхд болн эрд-

ни-шишя ургьмл хэлэдж өс-кх шишлнъг эвено бурдэтхэ гидж эн эдл-ахун гардачирт закгдв.

Кергтэ амтэр, техникэр болн эрдни-шишя экэр бўклднь теткдж, балгьсна колхозмудар болн „Буратинск“ совхозд, эрдни-шишяг цагнь тэрдж, ургьцинъ кўцднь хурадж авх зўөвтэ.

Буудэгьинъ тэрэнэ экн гидж хурахин тўлэ, 100—150 гектар эрдни-шишя школин сургь-ульчирин бригад болгьнд тэрхмн гидж селвг өггдв.

Эрдни-шишя малин ик чинртэ теджэл гидж, колхозникўд болн совхозин кўдлмшчир дунд цэялгьврин кўдлмш кетхэ гидж, эклц парторганизацин сеглэтрмудт болн кўдлмшчирин профсоюзин комитетст закгдв.

И. МАСЛОВ.